

Framlegg

Forskrift om vern av Vestreim naturreservat, Sogndal kommune i Vestland

Fastsett ved kongeleg resolusjon XX.XX.XXX med heimel i lov 19. juni 2009 nr. 100 om forvaltning av naturens mangfald (naturmangfaldloven) § 34, jf. § 37 og § 62. Fremja av Klima- og miljødepartementet.

§ 1. Føremål

Føremålet med forskrifta er å ta vare på eldre og naturprega furuskog og boreal lauvskog representativ for indre delar av Sognefjorden. Det er også fleire ospesholt med mange grove tre, og innslag av gråor og hegg i fuktige sig. Fattige vegetasjonsstypar dominerer og vekslar mellom bærlyngskog og blåbærskog.

Det er eit føremål å ta vare på verneverdiane i best mogleg tilstand, og at mangfaldet av artar og livsmiljøa deira skal få utvikle seg mest mogleg naturleg.

§ 2. Geografisk avgrensing

Naturreservatet omfattar ein del av gnr./bnr.: 94/1 i Sogndal kommune.

Naturreservatet dekker eit totalareal på 2338 dekar. Grensene for naturreservatet går fram av kart datert Klima- og miljødepartementet, den XX.XX.XXXX. Dei nøyaktige grensene for naturreservatet skal merkast av i marka. Knekkpunkt skal koordinatfestast.

Verneforskrifta med kart skal oppbevarast hos Sogndal kommune, Statsforvaltaren i Vestland, Miljødirektoratet og Klima- og miljødepartementet.

§ 3. Vernereglar

I naturreservatet må ingen gjere noko som skadar verneverdiane som er nemnde i verneføremålet.

I naturreservatet gjeld følgjande vernereglar:

- a) Vegetasjonen, medrekna døde buskar og tre, er verna mot skade og øydelegging. Det er forbode å fjerne plantar og sopp (inkludert lav), eller delar av desse frå naturreservatet. Planting og såing av tre og annan vegetasjon er forbode.
- b) Dyreliv, medrekna reirplassar og hiområde, er verna mot skade, øydelegging og unødig forstyrring. Utsetting av dyr er forbode.
- c) Det må ikkje settast i gong tiltak som kan endre naturmiljøet, som til dømes oppføring av bygningar, anlegg, gjerde, andre varige eller mellombelse innretningar, parkering av campingvogner, brakker eller liknande, framføring av luftleidningar, jordkablar, kloakkleidningar, bygging av vegar, drenering eller anna form for tørrlegging, uttak, oppfylling og lagring av masse, utføring av kloakk eller andre konsentrerte forureiningstilførslar, lagring av avfall, gjødsling, kalking eller bruk av kjemiske plantevern- eller skadedyrmiddel. Forsøpling er forbode. Opplistinga av tiltak er ikkje uttømande.
- d) Bruk av naturreservatet til større arrangement er forbode.

§ 4. Generelle unntak frå vernereglane

Vernereglane i § 3 andre ledd er ikkje til hinder for:

- a) Sanking av bær, nøtter og matsopp.
- b) Jakt og fangst i samsvar med gjeldande lovverk.
- c) Skånsam beiting.
- d) Vedlikehald av bygningar, gapahuk, gjerde og andre anlegg og innretningar i samsvar med tilstand på vernetidspunktet.
- e) Drift og vedlikehald, samt istandsetting ved akutt utfall på eksisterande energi- og kraftanlegg inntil verneområdet.
- f) Oppsetting av mellombelse, mobile jakttårn for storviltjakt.
- g) Forsiktig rydding av småbusker og kvist under 5 cm diameter i etablerte siktelinjer i samband med storviltjakt i furuskog.
- h) Brenning av bål med tørrkvist frå bakken eller med ved utanfrå naturreservatet, i samsvar med gjeldande lovverk.
- i) Utsetjing av saltsteinar i samband med beiting som omtalt i § 4 c.
- j) Forsiktig rydding av eksisterande tursti merka på vernekartet.

§ 5. Regulering av ferdsel

All ferdsel skal skje varsamt og ta omsyn til vegetasjon, dyreliv og kulturminne.

I naturreservatet gjeld følgjande reglar om ferdsel:

- a) Motorisert ferdsel er forbode, medrekna landing og start med luftfartøy.
- b) Bruk av sykkel, hest og kjerre, og riding er forbode.

§ 6. Generelle unntak frå reglane om ferdsel

Ferdselreglane i § 5 er ikkje til hinder for gjennomføring av militær operativ verksemd og tiltak i samband med ambulanse-, politi-, brannvern-, rednings- og oppsynsverksemd, og gjennomføring av skjøtsels- og forvaltingsoppgåver som er avgjort av forvaltingsstyresmakt. Unntaket gjeld ikkje øvingsverksemd.

Ferdselreglane i § 5 andre ledd er ikkje til hinder for:

- a) Naudsynt uttransport av felt elg og hjort med lett beltekøyretøy som ikkje set varige spor i terrenget.
- b) Landing og start med Forsvarets luftfartøy.
- c) Naudsynt motorferdsel i samband med uttransport av sjuke og skadde bufe. Køyretøy som nyttast skal vere skånsam mot markoverflata. Ein skal gi melding til oppsyn for verneområdet før køyringa skjer.
- d) Naudsynt motorferdsel i samband med akutt utfall eller fare for akutt utfall på eksisterande energi - og kraftanlegg. Ved bruk av motorisert transport skal det i etterkant sendast melding til forvaltingsstyresmakt.

§ 7. Spesifiserte dispensasjonsreglar

Forvaltingsstyresmakta kan etter søknad gi dispensasjon til:

- a) Avgrensa bruk av naturreservatet for aktivitetar nemnt i § 3 andre ledd bokstav d.
- b) Merking og naudsynt rydding av eksisterande stiar.
- c) Istandsetting, vedlikehald og naudsynt skjøtsel kring kulturminne.
- d) Tiltak i samband med forvaltning av vilt.
- e) Oppsetting av gjerde i samband med § 4 c.
- f) Kontrollert hogst av tre som er til ulempe for bygningar og anlegg.

- g) Uttransport av felt elg og hjort med anna køyretøy enn lett beltekøyretøy som nemnd i § 6 andre ledd bokstav a.
- h) Naudsynt motorferdsle i samband med aktivitetar nemnt i § 4 bokstav c og e, og § 7 bokstav c, d og e.
- i) Bruk av naturreservatet til miljøbasert reiselivsverksemd.
- j) Nødvendig motorferdsel i samband med drift og vedlikehald, samt oppgradering og fornying av eksisterande kraftlinje og i samband med etablering av nye kraftlinjer.
- k) Forsiktig rydding av nye sikteliner i samband med storviltjakt.
- l) Naudsynt motorferdsle på frosen eller snødekt mark til næraste traktorveg i samband med utkøyring av tømmer felt på eigedom 94/26.

§ 8. Generelle dispensasjonsreglar

Forvaltingsstyresmakta kan gjere unntak frå forskrifta dersom det ikkje strir mot føremålet med vernevedtaket og ikkje kan påverke verneverdiane nemneverdig, eller dersom omsynet til tryggleik eller omsynet til vesentlege samfunnsinteresser gjer det naudsynt, jf. naturmangfaldloven § 48.

§ 9. Skjøtsel

Forvaltingsstyresmakta, eller den forvaltingsstyresmakta avgjer, kan gjennomføre tiltak for å oppretthalde eller oppnå den natur- eller kulturtilstand som er føremålet med vernet, jf. naturmangfaldloven § 47.

§ 10. Forvaltingsplan

Det kan utarbeidast forvaltingsplan med nærare retningsliner for forvaltning av naturreservatet. Forvaltingsplanen kan innehalde nærare retningsliner for gjennomføring av skjøtsel.

§ 11. Forvaltingsstyresmakt

Miljødirektoratet fastset kven som er forvaltingsstyresmakt etter denne forskrifta. Miljødirektoratet kan delegere styresmakta til kommunar som samtykker til det.

§ 12. Iverksetting

Denne forskrifta trer i kraft straks.

Statsforvaltaren i Vestland